

大科之名幾與岳麓白鹿鼎峙故西樵
後世之西樵也當湛子譚席五
之山西重輯桑園圍志（二）爲代
佈于珠三角各地是（清）何如銓纂修
出現社會
不管是新石器製造場明代代理學明中期到清代



西樵歷史文化文獻叢書

重輯桑園圍志（二）

（清）何如銓 纂修

· 桂林 ·
廣西師範大學出版社
GUANGXI NORMAL UNIVERSITY PRESS



桑園圍志卷九

義捐

昔蘇東坡在惠州出上所賜金錢築長隄於豐湖之右傳之紀載以爲美談夫坡公於惠州無守土之責田宅之置乃慷慨施予可謂曰義然第以資游覽其於農田水利所益尙鮮若夫捐巨貲捍大難遂使千百萬家世蒙其庇可不謂功同磐石義重衡嵩者乎志義捐

乾隆五十九年甲寅塞李村決口布政司陳公大文督糧道吳公俊諭助隄工

照得粵東民修基圍工程小者責成該管居民工程大者派之通圍業戶久奉部行遵照在案茲查南海縣屬之桑園圍綿亘數十里當西北兩江匯流之衝圍內百

萬家烟戶田廬全資保障實爲基圍中最大之區本年七月內潦水漲發該圍被決多處經本司親臨查勘大率由基身年久就頽歲修工料草率所致茲屆冬晴水涸亟宜籌辦興修現據南海縣呈送縣屬紳民與順德縣龍江龍山等鄉紳民公議勸捐及辦理各章程並據紳士陳文耀潘吉士等具呈前來細加核閱具見各紳民篤念梓桑綢繆捍衛之至計惟是工程浩大需費繁多必得人人奮勉踴躍捐輸抑且慮始圖終萃而不渙方可尅期集事聿觀厥成本司道現與該府縣各自捐廉倡率肇興鉅工合行剴切曉諭爲此示諭該圍業戶居民及南順兩邑紳士等知悉爾等或田廬附近基圍或產業毗連鄰境目擊切膚之災每有下游之患當思

利害切身趁此水涸冬晴作速捐金修築小康者照例
按田派費富厚者量力從厚捐資一俟捐有成數卽彙
交董事刻日鳩工辦料將決過基口先行築復其餘通
圍基身低薄者加增高厚浮鬆者夯築堅實務期一律
鞏固從此共慶奠安事竣之日本司道查明捐金數目
及在事出力之人詳請院憲分別給匾以彰勸善獎勤
之義特示

六十年乙卯布政司陳公大文諭助石工

照得南海縣屬桑園圍基延袤萬二千丈捍衛良田千
五百餘頃爲廣屬中基圍最大之區上年六七月間洪
潦漲發崩決基口十數處均當西北兩江頂衝之岸經
本司親往查勘狂流洶湧實爲險冲必須砌築堅固結

實方保無虞因念民力或有不逮本司隨捐俸倡率諭令兩邑紳民合力通修爲一勞永逸之計隨據南邑首事何璫洲潘吉士等議定勸捐修築章程具呈到司並會順邑殷宦溫內翰面商亦概欣倡助先後合計題捐銀五萬兩並據南海縣李令派委總理首事李肇珠等設局李村分段挑築人心踴躍不數月而全隄獲竣具見兩邑羣情向義誼篤梓桑深堪嘉尚本年七月董事等以全隄告竣 神廟落成呈請親臨履勘當於七月十四日自省起程十五日赴廟拈香後隨督同廣州府朱守佛山水利廳宗丞南海縣李令順德縣汪令三水縣王令沿隄履勘均已一律堅築高厚視別圍工程高出三尺有餘此後永無泛濫之患惟西岸海舟之三丫

基南村之禾義基九江之蠶姑廟沙頭之韋馱廟各段
直接西北兩江全流之水澎湃浩蕩沖激湍急勢不可
當尤宜于基外厚培大石方能以阻狂流而捍洶湧其
東岸雲津百濬之莊邊吉贊藻尾等處基腳壁立并西
岸先登石龍鎮涌河清沿基之外雖生有浮坦而一遇
夏潦漲盛之際漫灘頂沖基高腳輒難免日久坍塌卸之
虞亦應壘石培護方爲妥善當卽諭令嵇呂二委員會
勘計需工費若干稟報察核官爲捐助茲據委員逐段
丈勘列摺稟覆全圍合計需費九千六百餘兩並據總
理首事呈請查照南邑原派三萬一千餘兩之數按照
各堡原額加二添捐尙不敷二千餘金再爲設法簽足
以仰副盡善盡美之至意各等情到司當批據呈加捐

銀兩籌添石工砌築基圍爲一勞永逸之計洵屬妥善
本司當再捐俸俵助府縣亦各願捐施候卽出示勸諭
其前次未交銀兩并候飭縣嚴催交局可也除飭府廳
縣一體遵照外合就出示爲此示諭該堡紳耆士庶墟
總業戶人等知悉爾等家本素豐固宜早爲踴躍按照
該堡原額添捐迅速交局卽小康之家前此未經捐助
今樂全圍鞏固早稻豐收亦應按田派費奮勉爭簽速
交董事辦料砌築以臻完善從此共慶奠安咸登衽席
本司實有厚望焉其各凜遵毋違特示

陳方伯章太夫人捐銀一百兩

布政司陳公大文捐銀二百兩

廣州府朱公棟前後捐銀一百八十兩

南海縣李公樑前後捐銀二百八十五兩

陳俞徵捐銀三百五十九兩

沙頭堡當押九閒捐銀三百五十八兩

九江堡當押三十八閒捐銀一千一百一十三兩

簡村堡當押一閒捐銀四十兩

先登堡當押二閒捐銀八十兩

金甌堡當押二閒捐銀八十兩

海舟堡當押三閒捐銀一百三十兩

大桐堡當押六閒捐銀二百三十九兩六錢六分

河清堡當押三閒捐銀一百二十兩

百瀆堡當押六閒捐銀二百二十兩

雲津堡當押三閒捐銀九十五兩

江浦總埠捐銀一千四百六十四兩四錢二分

嘉慶二十四年己卯歲修九江堡墟場題助銀一千餘兩
二十五年庚辰改建石隄刑部郎中伍紳元蘭捐銀三
萬兩刑部員外郎伍紳元芝捐銀三萬兩前工部郎中
新會盧紳文錦捐銀四萬兩

南海縣詳稱卑職職守斯土斷不敢存苟且目前之見
致百姓身家性命之憂當與該處紳耆等妥爲酌議必
須改用石工分別最險次險通圍砌築方足以資久遠
無患如最險之吉贊橫基三丫基禾乂基天后廟大洛
口等處約計一千九百餘丈須條石疊砌高厚其餘七
千餘丈亦必用大碎石塊堆砌平衍如坡方可一律鞏
固惟九千餘丈之基隄所需石料人工飯食運腳等項

非捐銀十萬兩不能集事卑職於去年十月到任後久經出示曉諭南順兩縣紳士商賈人等踴躍捐輸以襄義舉茲據緣事革職在籍之郎中盧文錦情願捐銀四萬兩又據現任刑部山東司郎中伍元蘭現任刑部安徽司員外郎伍元芝專遣家丁回籍赴縣呈請各捐銀三萬兩均屬出自至誠似應准其所請庶基圍藉以永固民患盡除且可一勞永逸毋需歲修之費以仰體憲臺捍災恤民之至意除照各該員原呈另文轉詳外合先具稟察核示遵俾得趕緊興工以甦民命而節國帑至已革郎中盧文錦現任刑部山東司郎中伍元蘭現任刑部安徽司員外郎伍元芝等踴躍捐輸急公明義可否奏請鼓勵之處出自憲恩爲此具稟伏乞慈鑒

道光九年己丑塞西湖村藻尾基仙萊岡三決口南海縣廩生伍紳元徽捐銀二萬九千五百兩

呈稱竊本年五月西潦漲決三水縣屬蜆塘坡子角基并決南海縣屬桑園圍吉水灣仙萊岡等基生經捐銀二萬兩以爲搶塞修築工費稟蒙恩准並蒙糧道憲仁憲督同地方官及各委員臨勘發給坡子角基銀二千五百兩吉水灣基銀二千兩仙萊岡基三千兩先將決口搶修堵塞餘銀留爲冬晴修築生經隨同委員督工搶修堵築嗣經吉水灣仙萊岡兩基搶修報竣所領銀兩吉水灣贖銀一千兩仙萊岡贖銀一千一百餘兩稟明留爲冬晴翻築兩決口之用坡子角所領銀兩因西潦復漲工費浩繁銀不敷支生經陳明續捐一千三百

兩給與該處業戶收領辦竣搶修事宜又蒙於前捐項
內另給銀一千兩砌築石隄後因搶修工未堅實尙須
冬晴翻築堅固方能砌石其所發石工銀一千兩留存
業戶候用隨於十月間冬晴水涸先奉飭文吳兩委員
勘明桑園東基吉水藻尾民樂林村莊邊渡濬吉贊橫
基仙萊岡等處除決口外共長二千二百餘丈竇穴四
口又龍津基六百餘丈東基共長二千八百餘丈坍卸
裂隙不一而足均應修築而吉贊橫基仙萊岡兩基爲
桑園圍全圍頂冲保障最險最要其險要處所前雖已
砌石隄本年潦水冲漲石隄坍卸甚多計驚埠石圳口
太平李村三丫基泥龍角禾乂基西方外圍圓所廟下
甘竹各處補砌石塊加築工料共需銀四千餘兩蜆塘

圍蓬村上下蘇亞娘鞋符家社周家內外基當風頭蓬萊廟坡子角龍池橫基等處除決口外共長五百餘丈前雖砌石本年潦水沖漲石隄坍卸亦多該處爲西江頂沖最險決口砌石培應高厚方能抵禦通修舊基連翻築決口計需銀六千兩除現存石工銀一千兩外尙需銀五千兩除蒙糧道憲仁憲親臨履勘生亦隨同查看無異合計桑園圍東西兩基共長一萬二千餘丈決口兩處前後搶塞修築橫基長三百餘丈前雖砌石僅得其半本年劈陷六十餘丈仙萊岡基全未有石本年被水沖決兩基全隄均應加砌方砧大條石靠石裏面加春灰沙數尺吉水灣新築基與東基近海險要之處亦應擇地加石竇穴四口拆去舊基改砌石條始能一

律鞏固計東基通修連翻築決口除前給銀共贖銀二千一百餘兩外尙需銀萬兩有奇西基自鷺埠石起至甘竹止共長九千餘丈需銀一萬九千七百兩蜆塘圍基長五百餘丈決口一處前後搶塞修築共估銀九千八百兩合共需銀二萬九千五百兩前捐銀二萬兩不敷支應伏思蜆塘圍地處上游爲西海頂沖險要西潦漲入直衝腹裏反潰於東建瓴而下則下游之蜆壳大良大有大柵琴沙仙蹟杜滄桑園等圍均受冲刷而桑園圍爲南順兩邑要區周迴百餘里農桑田地一千數百頃圍基一萬餘丈當西北兩江匯流之衝地處平衍水當歸匯該圍一決則南順兩邑均受其災西潦全藉西基以爲捍衛西基中之圳口三丫基禾义基西方外

基尤爲險要北潦及西潦上游沖決全藉東基以爲保障東基中之吉贊橫基仙萊岡基更爲頂沖是蜆塘桑園兩圍一爲上游最險最要一爲下游最險最大兩圍完好則腹裏各圍俱可無虞前捐之銀現不敷支若令業戶科派不特力有未逮且恐有稽時日生雖住非同圍念切桑梓情願再捐銀九千五百兩俾敷支應一面照數繳出聽候委員先行撥給各業戶領收取具領狀繳送存案庶幾得以及時趕辦悉臻鞏固永慶安瀾以仰副大憲痼瘼在抱保民若赤至意除稟各憲外所有續捐銀九千五百兩前後共捐銀二萬九千五百兩緣由理合稟候仁憲察核實爲恩便

按此次捐助不專桑園圍而桑園圍用款較多施工

不止三決口而三決口工程較大且前捐二萬兩已
聲明此稟中存之具見規畫詳密而前稟可從略焉
二十四年甲辰塞林村吉水兩決口知南海縣史公樸諭
紳士勸捐

諭桑園圍董修紳士馮日初何子彬明倫潘漸遠知悉
案照該圍本年被潦沖決林村鷺春社吉水寶及九江
之南頭圍等基此外各堡經管基段多有坍卸損壞以
致全圍被淹經蒙列憲念切民瘼率屬捐廉撫卹及籌
捐修費所謂至優且渥茲屆冬令水涸亟應將大圍修
復藉資保護復經本縣親歷查勘分別撥給修費隨據
該紳等以圍之西基濱臨大海本年坍卸裂陷患基甚
多且皆險要擬請通圍大修以爲一勞永逸之計但工